

www.tezauruliturgic.ro

TEZAUUR LITURGIC
23 NOIEMBRIE

**ACATISTUL
SF.IERARH
MITROFAN,
EPISCOPUL
VORONEJULUI**

MOSCOVA, 2000

Page 1 of 26

www.tezauruliturgic.ro

TEZAUUR LITURGIC
23 NOIEMBRIE

**ACATISTUL
SF.IERARH
MITROFAN,
EPISCOPUL
VORONEJULUI**



MOSCOVA, 2000

Page 1 of 26



www.tezauruliturgic.ro


TEZAUUR LITURGIC
23 NOIEMBRIE

**ACATISTUL
SF.IERARH
MITROFAN,
EPISCOPUL
VORONEJULUI**



MOSCOVA, 2000

Page 1 of 26



Акафист

святителю Митрофану

Воронежскому

Конда́к 1

Избра́нный чудотво́рче и изря́дный уго́днице
Христо́в, многоце́лебный исто́чнице и
моли́твеннице о душа́х на́ших, святите́лю о́тче
Митрофа́не, я́ко име́й дерзнове́ние ко Го́споду,
от вся́ких на́с бе́д свобо́ди зову́щих:

Ра́дуйся, Митрофа́не, вели́кий и пресла́вный
чудотво́рче.

И́кос 1

А́нгел земны́й и челове́к небесны́й бы́л еси́,
святите́лю о́тче Митрофа́не: вперив бо у́м в
Божество́нная, вре́менная и земна́я пренебре́гл
еси́, те́мже и всели́ся в тя́ Пресвяты́й Ду́х, Его́же
благода́тию све́тло укра́шен еси́. Сего́ ра́ди тебе́,
на Небеси́ и на земли́ просла́вленному, вопие́м
си́це:

Ра́дуйся, я́ко чистото́ю и святы́нею А́нгелом
уподо́бился еси́;

ра́дуйся, я́ко посто́м и бде́нием безстра́стия
достига́ еси́.

Ра́дуйся, свети́льниче Божество́ннаго све́та;
ра́дуйся, моли́тв благово́нное кади́ло.

Ра́дуйся, ве́рных непрело́жное утвержде́ние;
ра́дуйся, неве́рных богому́дренное обличе́ние.

Ра́дуйся, христиа́н непосты́дное прибе́жище;
ра́дуйся, благоче́стия стено́ необори́мая.

Ра́дуйся, кре́пкое корми́ло Це́ркве Христо́вы;
ра́дуйся, непоколеби́мый сто́лпе Правосла́вия.

Ра́дуйся, апо́стольских преда́ний ве́рный
храни́телю;

ра́дуйся, таи́н Бо́жиих и́стинный строи́телю.

Ра́дуйся, Митрофа́не, вели́кий и пресла́вный
чудотво́рче.

Конда́к 2

Ви́дяще от святы́х моще́й твои́х
присно́теку́щий исто́чник исцеле́ний,
благоговéния и ра́дости испо́лнени, благодаримъ
Бо́га, дивно́ прославля́ющаго святы́я Своя́,
вопи́юще Ему́: Аллилу́иа.

И́кос 2

Ра́зумом, просвещённым свѣ́ше, вразумля́я заблѣ́ждших, побѣ́рникъ бы́л еси́ и́стинныя Христо́вы Цѣ́ркве, егда́ в ца́рствующемъ гра́де Москвѣ́ суемѣ́дреннии лжеучи́тели на собо́ре святи́тельскомъ отверзо́ша нечести́вая уста́ своя на ея́ хуле́ние. Мы́ же от мы́сленныхъ волко́в изба́вльшеся, ве́рно взыва́емъ ти́:

Ра́дуйся, цевни́це Ду́ха Свята́го, бряца́ющая сла́ву Бо́жию во спасе́ние челове́комъ;

ра́дуйся, гро́ме, сокруша́яй ерети́ческое злочѣ́стие.

Ра́дуйся, мо́лние, попада́ющая плѣ́велы неве́рия;

ра́дуйся, я́сное зерца́ло апо́стольскихъ преда́ний.

Ра́дуйся, немѣ́лчный благове́стниче велѣ́ний Христо́выхъ;

ра́дуйся, ве́рный наста́вниче богомѣ́дрія.

Ра́дуйся, мона́шествующихъ сла́во;

ра́дуйся, архиере́евъ божѣ́ственное удобре́ние.

Ра́дуйся, златоза́рное свети́ло, просвеща́ющее зе́млю Ру́сскую;

ра́дуйся, наде́жный ходатаю́ нам Ца́рствия
Небе́снаго.

Ра́дуйся, я́ко твои́м к Бо́гу моле́нием от а́да
свобожда́емся;

ра́дуйся, я́ко твои́м предста́тельством
ра́йския жи́зни сподобля́емся.

Ра́дуйся, Митрофа́не, вели́кий и пресла́вный
чудотво́рче.

Конда́к 3

Си́ле Вы́шняго чуде́йствующей, никто́же
притека́яй к тебе́, преблаже́нне о́тче, отхо́дит
то́щ: недугующим бо яви́лся еси́ исцеле́ние,
слепы́м прозре́ние, хромы́м утвержде́ние, и вси́
благове́рнии лю́дие, ско́раго тя́ помо́щника
стяжавше, ра́достно Бо́гу воспева́ют: Аллилу́иа.

И́кос 3

Име́яй в се́рдце сво́ем о́гнь любве́
Боже́ственныхъ, спасе́ния ра́ди ду́ш челове́ческих
па́стырски подвижа́лся еси́, богому́дре, проти́ву
ко́зней диа́вольских и победите́льным ору́жием
креста́ разсека́л еси́ се́ти лука́ваго, я́ко паучи́ну.
Те́мже приими́ от нас пе́снь сию́:

Ра́дуйся, ра́бе Бо́жий, благи́й и ве́рный;

ра́дуйся, досто́йный де́лателью вертогра́да Христо́ва.

Ра́дуйся, учи́телю смире́ния и целому́дрия;

ра́дуйся, о́бразе крото́сти и послуша́ния.

Ра́дуйся, му́жу желáний;

ра́дуйся, Пропове́днице чудес Бо́жиих.

Ра́дуйся, наста́вниче де́л до́брых;

ра́дуйся, твёрдое огражде́ние Христо́вы Це́ркве.

Ра́дуйся, огневи́дный сто́лпе, наста́вляяй на пу́ть спасе́ния;

ра́дуйся, светоза́рный свети́льниче, ве́рныя просвеща́яй.

Ра́дуйся, неисчерпа́емый сосу́де благода́ти Христо́вы;

ра́дуйся, чи́стое приятелище Ду́ха Свята́го.

Ра́дуйся, Митрофа́не, вели́кий и пресла́вный чудотво́рче.

Конда́к 4

Бу́рю мирска́го жити́я и тяжелоно́сныя страсте́й во́лны прешед, обрёл еси́ т́хое приста́нище и, в пусты́ню всели́вся, неле́нотно

поработал еси Христу во мно́зе долготерпéнии.
Отню́ду же руководи́л еси́ в Ца́рствие Бо́жие и
духо́вная ча́да своя́, научи́в их еди́ными усты́ и
еди́ным се́рдцем пе́ти Бо́гу: Аллилу́иа.

И́кос 4

Слы́шаще дивны́я о Бо́зе труды́ тво́я,
святите́лю о́тче Митрофа́не, прихожда́ху к тебе́
издале́ча жа́ждущии глаго́лов живота́ вéчнаго:
поне́же ты́ учи́л и твори́л еси́, наставля́л сло́вом
и жити́ем своим. Сего́ ра́ди любо́вию вопи́ем ти́:

Ра́дуйся, апо́столов прее́мниче;

ра́дуйся, святите́лей сопресто́льниче.

Ра́дуйся, преподо́бных собесéдниче;

ра́дуйся, пра́ведных украше́ние.

Ра́дуйся, вéнче воздержáния;

ра́дуйся, благосенноли́ственное дре́во,
пото́ками райскими воспита́нное.

Ра́дуйся, вспомо́щных спаси́тельное
призрэ́ние;

ра́дуйся, цве́те нетле́ния.

Ра́дуйся, я́ко отчужде́нием вре́менных бла́г
стяжа́л еси́ блаже́нство нищеты́ духо́вныя;

ра́дуйся, я́ко са́мовольным обнища́нием обрёл
еси́ сокрови́ще бла́г ве́чных.

Ра́дуйся, я́ко во глубли́ну смире́ния при́никл
еси́;

ра́дуйся, я́ко на вы́соту безстра́стия возше́л
еси́.

Ра́дуйся, Митрофа́не, вели́кий и пресла́вный
чудотво́рче.

Конда́к 5

Боготе́чной зве́здé, путево́дившей дрéвле
во́лхво́в к пра́ведному Со́лнцу, подо́бен бы́л еси́,
всехва́льне о́тче, са́м восходя́ благода́тию
Бо́жиею от си́лы в си́лу, и приводя́ с собо́ю ко
Христу́ Бо́гу все́х и́щущих спасе́ния. Те́мже и
мы́, немерца́ющим сия́нием сла́вы твоея́
озаря́еми, согла́сно вопи́ем Ему́: Аллилу́иа.

И́кос 5

Ви́девше в тебé воро́нежстии лю́дие пе́рваго
архипа́стыря, я́ко А́нгела, зна́мение небесны́я
благода́ти нося́ща, возра́довашася ра́достью
неизглаго́ланною: ты́ же, до́бре внима́я себé и
всему́ ста́ду, в нёмже тя́ Ду́х Святы́й поста́ви
еписко́па, па́сл еси́ усер́дно Це́рковь Го́спода и

Бо́га, я́ко сло́во возда́ти хотя́. Сего́ ра́ди
ублажа́ем тя, о́тче Митрофа́не, зову́ще:

Ра́дуйся, челове́че Бо́жий, преподо́бием, а́ки
по́ясом златы́м, препоя́санный;

ра́дуйся, дру́же Христо́в, святите́льством, а́ки
би́сером драги́м, преукра́шенный.

Ра́дуйся, во́ине Христо́в непобеди́мый;

ра́дуйся, стра́же до́ма Бо́жия неусы́пный.

Ра́дуйся, восхожде́ния в се́рдце сво́ем к
Небеси́ положи́вый;

ра́дуйся, словесны́я о́вцы Христо́вы на
живоно́сных па́житях воспита́вый.

Ра́дуйся, я́ко не попусти́л еси́ душетле́нному
звѣрю расхи́тити ста́до твоѐ;

ра́дуйся, я́ко от Небе́снаго
Пасты́реначальника пра́ведное воздая́ние прия́л
еси́.

Ра́дуйся, возлюбивы́й благоле́пие до́му Бо́жия;

ра́дуйся, в само́м себѣ хра́м Триипоста́сному
Божеству́ угото́вавый.

Ра́дуйся, я́ко во умерщвле́нном телеси́ ри́зою
нетле́ния оде́ян еси́;

ра́дуйся, я́ко из грóба зарéю безсмéртia нáс
осиявáеши.

Ра́дуйся, Митрофа́не, вели́кий и пресла́вный
чудотво́рче.

Конда́к 6

Словéс ева́нгельских, е́же не скрыва́ти себé
сокро́вища на земли́, ве́рный блюсти́тель
показа́лся еси́, всеблаже́нне Митрофа́не, егда́
достоя́ние своё́ му́дре расточи́л еси́, снабдева́я
убо́гих и посóбствуя благове́рному импера́тору
Петру́ в сооруже́нии кора́блей на побежде́ние
неве́рных ага́рян, не ве́дущих пе́ти: Аллилу́иа.

И́кос 6

Воссия́ ца́рству правосла́вному благотво́рный
свёт вели́ких добродéтелей твои́х, святи́телю
о́тче Митрофа́не, о нихже благода́ряще Отца́
Небе́снаго, к тебé я́ко к при́сному о нáс
моли́твеннику, вызы́аем си́це:

Ра́дуйся, наста́вниче целому́дрия;

ра́дуйся, смире́ния Христо́ва и́стинный
подража́телю.

Ра́дуйся, олта́ря́ Госпо́дня благоговéйный
служи́телю;

ра́дуйся, святи́телей украше́ние.

Ра́дуйся, ино́ческаго равноа́нгельнаго жити́я
ревни́телю;

ра́дуйся, безмо́лвия дрéвних богоно́сных оте́ц
подража́телю.

Ра́дуйся, ми́лости струе́ неизсяка́емая;
ра́дуйся, благоутро́бия храни́лище
неоску́дное.

Ра́дуйся, си́рых благонаде́жное приста́нище;
ра́дуйся, вдови́ц ско́рое заступле́ние.

Ра́дуйся, мно́жество ду́ш уневе́стивый
Христу́;

ра́дуйся, купно́ с ними́ пребыва́я в радости
Го́спода твоего́.

Ра́дуйся, Митрофа́не, вели́кий и пресла́вный
чудотво́рче.

Конда́к 7

Хотя́щу не́когда благове́рному импера́тору
Петру́ бесе́довати с тобо́ю, призванъ бы́л еси́ во
дво́р ца́рский: егда́ же внеза́пу узре́л о́крест его́
извая́ния язы́ческая, а́бие возврати́лся еси́
вспа́ть, не убо́явся преще́ния царёва, и гото́в
бы́л еси́ ду́шу свою́ положи́ти па́че, не́же
растли́ти мы́сленныя о́чи се́рдца своего́

неподобным видѣніемъ, научая вѣрныхъ единому живому Богу пѣти: Аллилуѳа.

И́косъ 7

Но́ваго тя́ по благочѣстїи ревнителя позна́въ благовѣрный ца́рь и ви́дя небо́язненное твоѣ́ на смѣ́рть изво́леніе, повеле́ су́етная извая́нія низри́нути. Мы́ же свято́му дерзнове́нію твоему́ чюдя́щеся, вопи́емъ:

Ра́дуйся, непрекло́нный испове́днице
Правосла́вія;

ра́дуйся, ре́вностный защи́тнице благочѣстїа.

Ра́дуйся, священнотайннице благода́ти;

ра́дуйся, велегла́сный пропове́днице
покая́нія.

Ра́дуйся, апо́столов немол́чная уста́;

ра́дуйся, Це́ркве непоколебѣ́мый сто́лпе.

Ра́дуйся, па́стырю до́брый;

ра́дуйся, я́ко неприча́стен яви́лся еси́
лицепри́ятию.

Ра́дуйся, я́ко и́стину не обину́яся
свидѣ́тельствова́л еси́;

ра́дуйся, я́ко твоѣ́м пособи́ем сокруша́ются
ко́зни вра́жія.

Ра́дуйся, я́ко все́м ве́рным воспоми́нание твое́
пресла́дко;

ра́дуйся, я́ко все́й Це́ркви Христо́вой и́мя
твое́ прече́стно.

Ра́дуйся, Митрофа́не, вели́кий и пресла́вный
чудотво́рче.

Конда́к 8

Стра́нное и пресла́вное чу́до благода́ти
небе́сныя явля́ется ны́не во о́чию все́х ве́рных:
долготерпели́вый и многоми́лостивый Госпо́дь не
прогне́вался на ны́ до конца́ за беззако́ния
на́ша, но, помяну́в щедро́ты Своя́, дарова́ нам
тебе́, досточу́дне о́тче, заступника изря́дна, та́ко
вознесе́ ро́г спасе́ния на́шего, да вы́ну поём Ему́:
Аллилу́иа.

И́кос 8

Ве́сь еси́ в вы́шних, но и ни́жних не
оставля́еши, святите́лю о́тче Митрофа́не, при́сно
со Христо́м ца́рствуеши, и о нас гре́шных
моли́твы к Нему́ возсыла́еши: не то́чию бо
припа́дающих к цельбоно́сным мо́щам твои́м, но
и далече́ отстоя́щих, призыва́ющих же
всечестно́е и́мя твое́, предста́тельством твои́м
соблюда́еши от вся́кого зла. Те́мже во умиле́нии
зове́м ти́:

Ра́дуйся, прибе́жище на́ше во все́х ско́рбех;
ра́дуйся, ско́рый помо́щниче все́х в беда́х
су́щих.

Ра́дуйся, целі́телю боле́зней душе́вных вку́пе
и теле́сных;

ра́дуйся, на неві́димыя врагі́ на́ша си́льный
побо́рниче.

Ра́дуйся, посети́телю в не́мощи лежа́щих;
ра́дуйся, утёшителю в беда́х су́щих.

Ра́дуйся, я́ко тобо́ю престаёт рыда́ние;
ра́дуйся, я́ко тобо́ю подаётся ра́дость.

Ра́дуйся, я́ко Христу́ до́блественно послéдовал
еси́;

ра́дуйся, я́ко Сладча́йшему Иису́су до конца́
послужи́л еси́.

Ра́дуйся, я́ко наслажда́ешься лицезре́ния
Бо́жия;

ра́дуйся, я́ко сподо́бился еси́ зре́ти
невече́рный де́нь Ца́рствия Его́.

Ра́дуйся, Митрофа́не, вели́кий и пресла́вный
чудотво́рче.

Конда́к 9

Вся́кія скóрби и труды́ до́блественно
претерпéл еси́, шéствуя по пу́ти спасéния до
масти́тыя ста́рости, облечéн во всеору́жие
Бо́жие, во плóти áки безплóтен, умерщвля́я
стра́сти и сокруша́я наветы́ миродержи́теля
тьмы́ вéка сего́. Тёмже Небéсным сопричи́слен
си́лам, кúпно с ними́ воспева́еши Бо́гу: Аллилу́иа.

И́кос 9

Ветии́ многовещáннии недоумéют изобрази́ти
оби́лия любвé твоeя́, ёю́же, отходя́ ко Творцу́,
преиспо́лнен бы́л еси́ к ча́дом твои́м о Го́споде:
восхотéв бо и по отшéствии своём прі́сно
поучáти их, я́ко живы́й, завеща́л еси́ им вся́
потре́бная ко спасéнию. Сего́ ра́ди из глубины́
сердéц вопиéм ти́:

Ра́дуйся, благочéстно течéние сконча́вый;

ра́дуйся, ве́ру соблюды́й всецéлу.

Ра́дуйся, ору́жием благово́ления Бо́жия
венча́нный на земли́;

ра́дуйся, венце́м нетлéния укра́шенный на
Небеси́.

Ра́дуйся, до́лу вели́чием чудéс блиста́ющий;

ра́дуйся, горе́ луча́ми Трисо́лнечнаго Свѣта
осия́ваемый.

Ра́дуйся, я́ко в пресвѣ́тых ра́йских оби́телех
вселя́еши;

ра́дуйся, я́ко лицѣ́м к лицу́ Божѣ́ственного
свѣ́та причаща́еши.

Ра́дуйся, я́ко с небѣ́сных высото́ на мо́льбы
на́ша призира́еши;

ра́дуйся, я́ко в со́нiah и видѣ́нiah во блага́
на́м явля́еши.

Ра́дуйся, я́ко моли́твами твои́ми от вѣ́чныя
смер́ти свобожда́емся;

ра́дуйся, я́ко предста́тельством твои́м
безконѣ́чныя жи́зни сподобля́емся.

Ра́дуйся, Митрофа́не, вели́кий и пресла́вный
чудотво́рче.

Конда́к 10

И́же все́м челове́ком хотя́й спасти́ся и в
ра́зум и́стины прии́ти, Госпо́дь и Бо́г на́ш Иису́с
Христо́с яви́л на́м нетле́нное те́ло твоё на земли́,
я́ко живонóсную купе́ль, врачу́ющую вся́ку
боле́знь и вся́ку я́зю в лю́дех. Тѣ́мже
благодарственнó вопи́ем Ему́: Аллилу́иа.

И́кос 10

Стена́ еси́ спасе́ния прибега́ющим к тебе́,
святите́лю Митрофа́не, и в бы́ваемых от тебе́
зна́мениих, испове́дающих вели́чие Бо́жие. Сего́
ра́ди, уще́дрени твои́м чудеде́йственным о нас
ко Христу́ Бо́гу ходата́йством, вопие́м ти́:

Ра́дуйся, царей́ благо́честивых поборо́ниче;
ра́дуйся, архиере́ев правосла́вных
укреплéние.

Ра́дуйся, ца́рства правосла́внаго защи́тниче;
ра́дуйся, Це́ркви святей́ утвержде́ние.

Ра́дуйся, пре́жде сме́рти умертви́вый плоть
свою́;

ра́дуйся, предвкуси́вый жизнь вéчную,
пре́жде вни́тия в селéния райская́.

Ра́дуйся, уме́рый ми́ру пре́жде кончи́ны
твоея́;

ра́дуйся, воскресы́й ду́хом во Христé, пре́жде
успе́ния твоего́.

Ра́дуйся, я́ко от оби́тели земны́я во Оби́тель
Небе́сную пресели́лся еси́;

ра́дуйся, я́ко от Оби́тели Небе́сных во оби́тели
земны́я благотвори́ нисходи́ши.

Ра́дуйся, я́ко и по отше́ствии твоём с на́ми
пребыва́еши;

ра́дуйся, я́ко и по уме́ртвии твоём
умерщвлённые грехи́ ду́ши моли́твами твои́ми
оживля́еши.

Ра́дуйся, Митрофа́не, вели́кий и пресла́вный
чудотво́рче.

Конда́к 11

Пе́ние, приноси́мое ны́не, а́ще бы и превы́ше
челове́ческаго бы́ло, не довлёло бы к
Славосло́вию Бо́га, дарова́вшего тебе́ благода́ть
исцелёний. Сего́ ра́ди недоуме́юще благохва́лити
его́ по досто́йнию, смиренному́дренно вопи́ем:
Аллилу́иа.

И́кос 11

Светопода́тельна свети́льника,
просвеща́ющего ду́ши на́ша ве́рою, ви́дим тебе́,
преблаже́нне о́тче, пред Престо́лом Бо́жиим
стоя́ща, и твои́м блиста́нием озаря́еми, зове́м ти́
тако́вая:

Ра́дуйся, па́стырю предивный;

ра́дуйся, учи́телю премудрый.

Ра́дуйся, сто́лпе ве́ры непоколебимый;

ра́дуйся, насади́телю благи́х.

Ра́дуйся, чистоты́ селѣние;

ра́дуйся, печа́льных утешѣние.

Ра́дуйся, си́рых пита́телю;

ра́дуйся, оби́димых предста́телю.

Ра́дуйся, премудрости Бо́жия приятелище;

ра́дуйся, исто́чнице неизчерпа́емая благода́ти исцелѣ́ний.

Ра́дуйся, провозвѣстниче Боже́ственных велѣ́ний;

ра́дуйся, сокровище милосѣ́рдия Бо́жия неисто́щимое.

Ра́дуйся, Митрофа́не, вели́кий и пресла́вный чудотво́рче.

Конда́к 12

Благода́ть, свѣ́ше ти́ да́нную позна́вше, благоговѣ́йно лобыза́ем святоле́пное изображе́ние всечестна́го лица́ твоего́, е́же благоволи́л еси́ дѣ́вно яви́ти на́м. Те́мже благода́рственно вопи́ем Христу́ Бо́гу на́шему: Аллилу́иа.

И́кос 12

Пою́ще твоё к Бо́гу отше́ствие, святи́телю
Митрофа́не, почита́ем свяще́нную па́мять твою́,
велича́ем ре́вность по Бо́зе, хва́лим
долготерпе́ние, сла́вим незло́бие, и ублажа́ем
кончи́ну твою́: на сме́ртнем бо одре́ возлежа́,
жела́нием возжелáл обеща́йся в вели́кий
а́нгельский о́браз, нарече́н бы́л Мака́рием,
блаже́нства тезоимени́тым, блаже́н бы́в
вои́стинну, я́ко Ца́рствие Небе́сное насле́довал
еси́. Те́мже моля́щися усер́дно, о́ еже
сподо́битися и на́м неосу́ждено предста́ти на
Стра́шное суди́ще Христо́во, взыва́ем ти́:

Ра́дуйся, у Престо́ла Бо́жия те́плый о на́с
предста́телю;

ра́дуйся, му́жу жела́ний, просла́вивший Бо́га
в телеси́ и в душе́ своей.

Ра́дуйся, добропобе́дный во́ине Царя́
Небе́снаго;

ра́дуйся, вождю́ прему́дрый ра́тующим
проти́ву сил а́довых.

Ра́дуйся, я́ко с горя́щим свети́льником сре́тил
еси́ Христа́;

ра́дуйся, я́ко от Него́ благода́ть исцелéний
прия́л еси́.

Ра́дуйся, я́ко благово́лением Пресвяты́я
Богоро́дицы возвели́чен еси́;

ра́дуйся, я́ко во свéтлостех святи́х
пребыва́еши.

Ра́дуйся, я́ко со проро́ки и апо́столы
ликовству́еши;

ра́дуйся, я́ко со святи́тели и му́ченики
просла́влен еси́.

Ра́дуйся, я́ко с преподо́бными и пра́ведными
весели́шися;

ра́дуйся, я́ко со все́ми избра́нными Бо́жиими
при́сно торжеству́еши.

Ра́дуйся, Митрофа́не, вели́кий и пресла́вный
чудотво́рче.

Конда́к 13

О вели́кий и пречу́дный о́тче Митрофа́не,
приими́ благоутро́бно си́е ма́лое моле́ние на́ше, и
твои́м благоприя́тным ходата́йством изба́ви на́с
от все́х враг ви́димых и неви́димых, от вся́кия
напа́сти и ско́рби, от напрáсныя сме́рти и
бу́дущия му́ки, да сподо́бимся с тобо́ю и со

всѣми свѣты́ми во вѣки воспѣва́ти Бо́гу Спаси́телю на́шему: Аллилу́иа.

Этот конда́к чита́ется три́жды, затѣм ѿкос 1-й и конда́к 1-й.

Моли́тва пе́рвая

О свѣтителю́ о́тче Митрофа́не, се́ мы гре́шнии, нетле́нием честны́х мо́щей твои́х и мно́гими благодея́нными, чуде́сно содея́нными и соде́ваемыми тобо́ю, увѣривше́ся, испове́дуем, я́ко има́ши ве́лию благода́ть у Го́спода Бо́га на́шего, и все́ми́рен­но ко тво́ему́ благо́сѣрдию припа́дающе, тебѣ́ мо́лимся си́це: моли́ о нас Христа́ Бо́га на́шего, да низпо́слет все́м чту́щим свѣту́ю па́мѣть твою́ и усѣ́рдно к тебѣ́ прибега́ющим бога́тыя ми́лости Своѣ́; да утверди́т во свѣтѣ́й Своѣ́й Правосла́вной Це́ркви живы́й ду́х пра́выя ве́ры и благоче́стия, ду́х ве́дения и любве́, ду́х ми́ра и ра́дости о Ду́се Свя́те, да вся́ ча́да еѣ́, чи́ста су́ща от ми́рских искуше́ний и плотскихъ по́хотей и зла́го де́йствия злы́х духо́в, ду́хом и и́стиною покланя́ются Е́му, и усѣ́рдно о соблюде́нии за́поведей Е́го ко спасе́нию ду́ш свои́х да потща́тся. Па́стырем еѣ́ да да́ст Госпо́дь свѣту́ю ре́вность попече́ния о спасе́нии люде́й, во е́же не́верующия

просветити, неведущия наставити, сомнящихся вразумити, отпадших от Православной Церкви к ней возвратити, верующия в вере соблюсти, грешных на покаяние подвигнути, кающихся утешити и во исправлении жизни утвердити, и тако вся люди ко уготованному вечному Царству святых Его привести. Умоли Господа, угодниче Христов: верных рабов Его, в скорби и печали день и ночь вопиющих к Нему, многоболезный вопль да услышит и да изведет от погибели живот наш. Всем же в державе людех да дарует благий Бог наш мир, тишину, безмятежие и изобилие плодов земных, паче же ко исполнению заповедей Его тщание неленостное; и да избавит царствующия грады, град сей и вся иныя грады и веси, от глада, труса, потопа, огня, меча, нашествия иноплемennых, междоусобных брани, смертоносных язвы и от всякаго зла. Ей, святителю Божий, да устроиши молитвами твоими вся благая душам и телесам нашим; да и мы прославим в душах и телесах наших Господа и Бога нашего, Иисуса Христа, Ему же со Отцем и Святым Духом слава и держава во веки веков. Аминь.

Молѣтва вторая

О всехвальный святителю Христов и чудотворче Митрофане! Приими сие малое моление от нас, грешных к тебе прибегающих, и теплым предстательством умоли Господа и Бога нашего, Иисуса Христа, яко да призрев на ны милостивно, подаст нам согрешений наших вольных и невольных прощение, и по велицей Своей милости избавит нас от бед, печалей, скорби и болезней душевных и телесных, обдержавших нас; да подаст земли плодоносие, и вся на пользу настоящего жития нашего необходимая; да дарует нам скончати житие сие привременное в покаянии и да сподобит нас, грешных и недостойных, Небеснаго Царствия Своего, во еже со всеми святыми славити Его безконечное милосердие, со Безначальным Его Отцем и Святым и Животворящим Его Духом, во веки веков. Аминь.



**ПОЛНЬІЙ
АКАФИСТНИК
КАНОНИЧЕСКІЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
НЕБО**